

松壽堂詩鈔

卷九至十

松壽堂詩鈔卷九

貴陽陳夔龍筱石

北門續集 辛亥

元旦口號

已兆雙歧麥先開六出花

是日大雪

冰寒官漏靜風颺 國

旗斜挽鹿思吳庶烹羊愧黨家時艱百無補容易感年華

元旦冒雪謁曾文正公祠

清議神明兩不疚如公俎豆足千秋程朱正學無私派
方召中興美壯猶有技能羅諸將相論功合祀古燕幽

元辰小立門前雪一瓣心香祝故侯

午後約嚴晴初徐小舟諸君西園踏雪遂登紅樓
歸而縱飲疊前韻

青鞵踏徧西園雪預卜東郊歲有秋入幕衆賓容嘯傲
登樓一老尙夷猶獨嫌圍帶年年減除卻官書事事幽
喜氣都歸浮白裏錫封合號醉鄉侯

和答傅沅叔學使元日大雪四首

寥天開粉本市地布瓊瑤歲籥新調鳳 官衣舊賜貂
綠章通丙夜白戰肅寅僚預卜豐年瑞寒從四九消
世界琉璃脆丹青畫不成曾陪梁苑賦已報蔡州平曉

日朝正罷東風送客行撒鹽差可擬擲地不聞聲

一尊醅醪酒沈醉語尤顛詠柳憐嬌女探梅憶舊年鴻
飛留爪印花撲鬪燈妍領得清涼趣都忘百慮煎

不夜乾坤色春來便不同寒光轉晴翠番信數花叢陸
海銀濤捲天家玉戲工身依瓊島近未覺輭塵紅

人日集藏海園適奉安甫同年佳什依韻和答

南衙初放集西園惜少新詩壓白元人日懷人悔書劍
客星勸客樂琴尊俄看晴雪搖銀海已報春風度玉門
是日立春料得逢三花市盛哥窯瓶鉢定窯盆

平泉草木待春蘇宦味闌珊道味腴蜃氣已成滄海市

詩籠合借碧紗廚纔黃楊柳迎風面慘白梅花稱雪膚
老去登樓腰腳健未須筇杖一枝扶

和徐花農同年

客裏嬉春百不嫌辛盤風味飽齏鹽頻斟柏葉何辭醉
貪看梅花未害廉笑我苦吟燒燭短知君舊債買琴添
雲藍忽捧瓊瑤什晉帖唐詩一手兼

時晴快雪曉光融樂歲聲含笑語中一色琉璃開畫本
聯篇珠玉走書筒詩題人日情應遠曲和陽春句未工
猶憶宣南燈事好馬蹏曾踏輦塵紅

和徐芷升觀察人日讌集用朱竹垞先生人日韻

人日草堂先得句番風花信已回春青旛綵仗檐前舞
綠鬢朱顏鏡裏新是日合照主客共四十人中歲煩憂消酒壘一時
裙屐盡詩人圖成主客東南美行樂惟應及令辰

上元詠牡丹

花氣煖如蒸瑤窗瑞靄凝獨標傾國色留伴上元燈月
鏡窺全相風旛護幾層天然眞富貴翦綵薄吳綾

酬何潤甫同年

瞳矐曉日照金臺大地陽春有腳回新厯甫頒知漢臘
舊書可讀惜秦灰聞琴已訝朱絃改看鏡偏憐白髮催
獨羨詩人何水部興酣東閣苦吟梅

元夕河橋觀燈

十丈赤霞蒸清宵露氣凝月華元夜宴風景大橋燈繒

綵花千影琉璃塔七層漢家傳蠟燭官錦換青綾

次日官中

釋服

夜夢紋女用亭秋韻

卜壤南高對北高

女墓在南高峯下三台山之右台山麓

比鄰詩老助吟

豪

詩人俞曲園先主墓在其左

七年茹痛重回首一夢投懷感屬毛

天上有城開不夜人間無地著離騷兒時笑貌分明在

忍檢筠箱舊錦袍

十六夜卽事

銀花火樹蒸漏點釋冰凝珠勒初停轡金錢正買燈屏
開雲疊疊簾捲霧層層簫鼓誰家院清歌一束綾

二十日有懷蓮漪夫人疊前韻

委爾荒邱馬鬣高憐余湖海氣難豪偶拈畫筆思眉黛
獨對遺匳感鬢毛玉化永留秦女恨魂招欲賦楚人騷
俸錢今日空贏萬猶憶牛衣泣緼袍

福兒浹姪進京入貴冑法政學堂作此勗之用元
旦口號韻

長安居不易走馬莫看花雪重羊裘薄天寒雁序斜儉
勤期汝輩儒素本吾家須識讀書樂書中有歲華

幼石二兄由渝回黔省墓作書寄之卽題其後

春日盤江上南飛一雁還北書煩汝寄魂夢繞家山

新正廿五日雲貴鄉人公譙於藏海園卽席賦示

諸君子仍疊前韻

未信樓臺近水高德星今日聚賢豪迎眸快雪留鴻爪

尙齒高風重燕毛合坐枌榆忘主客幾人壇坫繼莊騷

坐中詩人甚多藏園似海春難徧白傅裘慚范叔袍

和少石大兄人日遊東園詩韻卽以奉懷

聯牀欲借雁填橋一日三秋勝采蕭珠海鶯花初上市

來詩東園左右舞臺歌館將次落成丁沽魚蟹正通潮吟成白戰詩稱霸

醉啟黃封酒買嬌何日還山遂初服鄉音同奏玉屏簫
和大兄初度日登鎮海城樓一首

詩愛東坡畫巨然出山清比在山前杯銜香澳千帆月
袖染羅浮兩點煙樓外看雲花外騎夢中生草客中天
海南風雅今銷歇瀾挽煩君障百川

二月六日口號焚寄淑卿夫人

舊恨不堪說今朝薦几筵臨風聊破涕欲補有情天

春日遣興疊花農韻

晚節黃花淡不嫌太羹滋味卻梅鹽湖山夢想終成癖
風月招邀不礙廉杯酒偶緣看劍引鑪香還爲讀書添

一春番信從頭數藏海何妨吏隱兼

河橋風軟凍初融九十韶光淡冶中世事何堪窺豹管
生涯拚付釣魚筒頻來燕子皆成侶欲畫麒麟恐未工
不減兒時風味永小窗燈火夜深紅

和答潤甫

最喜釀花天氣好半含冷意半含溫踏紅忽憶塵如海
奪綠俄驚句到門刻燭三條詩有債題襟十載酒留痕
名場喚醒春婆夢齒德人間重達尊

疊韻再答一首

寒宵忽捧琳琅句如覩高人笑語溫焚草有聲馳紫禁

種瓜垂老戀青門
窗前白塔雙尖影
屋後西山一角痕
遙想懷人風雪裏
香盈寶鴨酒盈尊

春夜卽事用蘇臺留別詩韻

樓船橫海懾天吳
一擲成梟注不孤
曾向蘇臺看走鹿
又開楚幕聽嘯烏
款關有客哀松杏
執壁何人繼穀蒲
曾李兩侯總制北洋勳名鼎鼎下走忝任是邦適滋愧已
如此河山如此局
願教益地補呈圖

日暮丁沽正落潮
嫋嫋翦燭雨瀟瀟
荒臺市駿空遺址
獨客聞鶻尙有橋
薊北春酣金谷酒
江南秋老玉人簫
乾清夜半傳封事
金布新頒漢六條

一斛葡萄博一州弓旌虛費夢中求不聞枳棘棲鸞鳳
擬伴菰蘆狎鷺鷗舊雨悵成江海別恆沙淘盡古今愁
榻前未許他人睡古戍荒寒戰壘秋

驚馬嘶風已十霜羣空一顧感孫陽堯年語鶴祥占雪
蝸陞鏘鸞雅奏簣劫後尙留殘壁壘別來猶戀舊家鄉
柳眠棠睡無消息勉爲催花擊羯忙

馮星垣中丞寄示哭弟果卿觀察詩十章率答一
首

兄弟君家不可當一枝忽折棣華香西沽月落烏嘯夜
南浦雲飛雁失行忍向夢中尋小謝未堪客裏過重陽

來函云丁未九月與果卿別於津門遂成永訣論文我亦增惆悵尊酒無人細共商

陸申甫方伯蘇州來函新葺寒山寺屋宇落成索余賦詩紀事遙寄四截

一別姑蘇感舊游五年客夢上心頭逢人怕問寒山寺
零落江楓瑟瑟秋

丁字沽頭夕照濃客船隨處寄萍蹤海光玉鉢聲聲澈
如聽楓橋夜半鐘

津門海光寺玉鉢爲高廟丙午御製賜藏寺中余有詩

張句推敲兩字訛江村漁父費摩挲曲園老去春何在

蒼蘚封碑半滅磨

唐人張繼楓橋詩江楓漁火句前人

俞曲園先生
作詩刻石

舊地新開選佛場烏唬月落幾經霜重來應有櫻花識

祇恐山僧鬢亦蒼

日本白須領事舊植櫻花兩株於寺內余曾於花時傳觴速客

輓孫佩南京卿

京卿歿於元日

病馬嘶風疾一尊遙奠君人誰傳正學天忍喪斯文北海爭馳譽南宮早策勳彈琴鳴百里下筆掃千軍景倩登仙籍張華廣異聞桐城源一脈梁苑禮三薰心慕鞭曾執魂銷袂倏分贈言容我拙開卷服公勤大陸豺當道寥天雁隔羣祖孫憐令伯師友重劉蕡不謂朝元日翻教哭舊雲箱遺王氏業詩唱鮑家墳召伯棠猶愛龔

生蕙竟焚秩宗摧泰華模楷失河汾膠澳悲鼯睡丁沽
悵夕曛惟將芻一束聊作野人芹

上巳日信睦堂公讌西賓卽席賦詩仍用上年修
禊韻

中外邦交繫一身瓊筵喜聚四夷賓新翻菊部坊頭曲
恰似蘭亭座上人玉敦珠槃大和會歐風亞雨太平春
年年清酒黃龍約燕樂欣逢祓禊辰

和張馨安都轉韻

麇飢一片月初三歌舞曾停遠客驂化被萬方宣上
德庭開九譯接清談金尊隔座狂呼酒紅燭當筵細擘

柑和會恰逢修禊日海天如鏡碧波涵

花農和余客臘詠水仙詩率答二絕適窗前水仙
石榴盛開並寄京師時清明後一日

養花時節半陰晴九十春光畫不成天意憐人魂易斷
無風無雨過清明

淡白風懷婉轉思綺窗留得歲寒姿清操未許他人共

移向山亭伴寶葵

花農新營
寶葵亭

清明後二日偕楊逸真嚴晴初王言伯包柚斧陶
心如及福兒遊園漫興一首

積雨鬱成陰怯寒肩尙聳春色倏過半有如丹走永信